

OKVIRNI SPORAZUM O OSIGURANJU IMOVINE-OPREME

Zaključen dana 03-01-2017 godine u Sarajevu, između:

OSIGURAVAČA: "SARAJEVO-OSIGURANJE" d.d. Sarajevo,
Ul. Maršala Tita br. 29, koga zastupa direktor Arif
Kulić (u daljem tekstu: Osiguravač)
ID broj: 4200326930001

i

UGOVARAČA OSIGURANJA: Kanton Sarajevo Stručna služba za zajedničke poslove,
Ul. Reisa Džemaludina Čauševića br. 1
koga zastupa načelnik Fikret Jašarević
(u daljem tekstu: Osiguranik)
ID broj: 4200667410006

Član 1.

Ugovorne strane su saglasne da je predmet ovog okvirnog sporazuma osiguranje opreme Ugovarača osiguranja, u skladu uslovima ponude Osiguravača broj: 01-3132/17 od 05.12.2017. godine. Polisom osiguranja koja se izdaje u okviru ovog okvirnog sporazuma ugovaraju se usluge osiguranja opreme na vremenski period od godinu dana, prema uslovima prihvaćene ponude i važećim uslovima osiguranja koji čine sastavni dio polise osiguranja.

Član 2.

Imovina koja se veže za predmet Okvirnog sporazuma iz člana 1. ovog Ugovora, osigurava se od osnovnih i dopunskih rizika, a razvrstani su u više grupa-skupina i vrsta osiguranja, u skladu sa Odlukom Savjeta Ureda za nadzor o grupama-skupinama i vrstama osiguranja od 29.04.1999. godine.

Osiguranje opreme se vrši u skladu sa uslovima ponude broj: 01-3132/17 od 05.12.2017. godine (LOT 2).

Na osnovu registrovanih djelatnosti, osiguravač vrši osiguranje slijedeće grupe-skupine osiguranja opreme:

1. *Osiguranje opreme od požara i nekih drugih opasnosti;*
2. *Osiguranje opreme od dopunskog rizika izliva vode iz vodovodnih i kanalizacionih cijevi i grejnih tijela;*

Osigurana oprema se nalazi u objektima koji se nalaze na slijedećim lokacijama:

- *Ul. Reisa Džemaludina Čauševića br. 1 na osiguranu sumu od 2.000.000,00 KM;*
- *Ul. Podgaj br. 6 na osiguranu sumu od 100.000,00 KM;*
- *Ul. Maršala Tita br. 62 na osiguranu sumu od 600.000,00 KM;*
- *Studentski dom Nedžarići ul. Bosne srebrene bb (objekat A) na osiguranu sumu 1.000.000,00 KM;*
- *Ul. Hamida Dizdara br. 1 na sumu osiguranja od 700.000,00 KM;*
- *Ul. Branilaca Sarajeva br. 21 na osiguranu sumu od 300.000,00 KM;*
- *Ul. Dalmatinska br. 1/II na osiguranu sumu od od 300.000,00 KM;*
- *Odjeljenje poljoprivrede Ministarstva privrede Kantona Sarajevo Butmir na osiguranu sumu od 50.000,00 KM.*

Član 3.

Ukupna visina premije osiguranja za gore navedenu opremu iznosi:

3.433,87 KM

(slovima: trihiljadečetiristotinetridesettri i 87/100 KM),

i ista je u skladu sa uslovima ponude broj: **01-3132/17 od 05.12.2017. godine, zaprimljene pod brojem: 17-14-35930 od 13.12.2017. godine (LOT 2).**

Sastavni dio ovog Okvirnog sporazuma je zaprimljena ponuda.

Član 4.

Osiguranik je dužan da, u skladu sa Uslovima osiguranja, blagovremeno prijavi Osiguravaču sve promjene na opremi, koja je predmet ovog osiguranja i eventualno prijavi eventualne štete na istim, a ukoliko je neophodno i obezbijedi oštećenu opremu do momenta dolaska ovlaštenog lica Osiguravača radi procjene i likvidacije štete.

Član 5.

Osiguravač se obavezuje da, u skladu sa Uslovima osiguranja, ponuđenim uslovima iz ponude i zahtjevima Osiguranika, postupi vezano za nastale promjene na opremi osiguranika, kao i da u skladu sa zakonskim propisima u primjerenim rokovima izvrši procjenu, likvidaciju i isplatu štete po odštetnom zahtjevu osiguranika, ukoliko za to postoji jasno utvrđen pravni osnov.

Član 6.

Za sva zaključena osiguranja u skladu sa ovim Okvirnim sporazumom, Osiguravač će višak rizika reosigurati, čime se u potpunosti štiti imovina Osiguranika, kao i interesi obje ugovorne strane.

Član 7.

Ovaj Okvirni sporazum se zaključuje na **određeno vrijeme i vrijedi za period od 01.01.2018. godine, do 31.12.2020.godine.**

Ugovorne strane su saglasne da ovaj Okvirni sporazum može prestati sporazumom ugovornih strana i otkazom bilo kog ugovarača, uz otkazni rok od 30 dana.

Svaka ugovorna strana može u svako doba raskinuti ovaj Okvirni sporazum u slučaju kršenja odredbi ovog ugovora, bez obaveze poštivanja otkaznog roka.

Član 8.

Osiguranje po ovom Okvirnom sporazumu obuhvata sve štete koje nastanu u periodu **od 01.01.2018 do 31.12.2020. godine**, za svaku vrstu osiguranja iz člana 2. ovog Ugovora.

Po nastanku štetnog događaja Osiguravač će odmah po prijemu prijave slikati oštećenja i sačiniti zapisnik o oštećenjima uz prisustvo ovlaštenog predstavnika Osiguranika.

Naknadu štete Osiguravač će plaćati osiguraniku u roku od 30 dana.

Član 9.

Sve izmjene i dopune ovog Okvirnog sporazuma vršit će se potpisivanjem "Anex-a", na način zaključenja osnovnog Okvirnog sporazuma.

Član 10.

Ugovorne strane su saglasne da sve, eventualne, sporove rješavaju sporazumno, a ako to ne bude moguće pred nadležnim sudom u Sarajevu.

Član 11.

Ovaj Okvirni sporazum sačinjen je u četiri (4) istovjetna primjerka od kojih svaka ugovorna strana zadržava po 2 primjerka ugovora.

ZA UGOVARAČA OSIGURANJA
(NACELNIK)



Broj: 17-14-35090-19
Datum: 03-01-2018 godine

ZA OSIGURAVAČA
(DIREKTOR)



Arif Kulić, dipl.pravnik

Broj: 01-16/18
Datum: 03.01.2018